

86/659

XFF

£1. 100



[BOILLOT (J.)]

Plate 19 repaired



Digitized by the Internet Archive
in 2011 with funding from
Research Library, The Getty Research Institute




LIVRE DE TERMES
D'ANIMAUX ET LEVRS

ANTIPATIES.

*Fort utile pour toutes sortes de
personnes se meslants du dessein.*

A PARIS

*Chez P. Mariette rue
S^t Jacques a l'Esperance
ce avec Privilege*



TERMES DES ANIMAUX

1



ET LEVRS ANTIPATIE.

DE L'ELEPHANT.

LElephant de toutes les bestes terrestres est la plus grosse et puisante, croissant iusques a neuf coudées de hauteur et cinq d'es pesseur ou grosseur. Pour faire un merveilleux degast et foudroyement les anciens s'en seruoient au faict de la guerre, les armués par le muſſle, et leurs chargeant le dos de tours et edifices, ou estoient gens armés et combattans, cōme appert par infinites histoires, mesmes en Vegeto Elian et Plin. Occasion de quoy ie metz cet animal fort et robuste le premier pour estre en fondement puisant et assuéré, soubz quelque edifice en premier estage: et pour luy donner charge et pesanteur en quelque endroit ou l'ouurier le voudra disposer et en former un terme.

Le lay toy enuironné et assuicthy du Dragon qui est son mortel ennemy, lequel s'entortillant a l'entour de ses piedz, et de la queue luy estoupant le muſſle, le faict mourir en lanqueur, si l'Elephant ne treuve soudain quelque arbre ou rocher pour cōtre iceluy se froisser et creuer. Vous pourrez veoir ce qu'en dient Plin et Elian, qui rapportent qu'en Ethiopie principalement sont ces Dragons, a une longueur terrible, iusques a 20 coudées, Elian diet 30 passées, et ne baille-on a ces Dragons autre nés que tucurs d'Elephant Artemidore diet qu'en Arabie se voient longs de 30 coudées, et qu'ilz tuent les Elephants et Taureaux.

Au lieu de son muſſle, i'ay posé et figuré un Rat que l'Elephant hayt et deteste sur tous animaux, refusant le fourrage et sa pasture ou aura touché ce bestion.

L'ouurier aura mesé d'y approprier la face de quelques autres animaux, cōme d'un Belier, ou d'un porc, que l'Elephant a aussi en horreur, principallement d'un porc grōnissant et hurlant par les sermōgnage de Plin, Plutarque et outre aultres Elian qui en recite 2 histoires que ie suys cōtraint d'omettre, pour estre desia ce chapitre trop long.

TERMES DES ANIMAUX

2




ET LEVRS ANTIPATIE

ENCORES DE L'ÉLEPHANT .

Il m'a semblé n'estre point mauuais de représenter icy en autre façon, & taille aultre l'Élephant & luy appliquer des flambeaux & falotz qui est vn enrichissement lequel pourra auoir grace, come chose que l'Élephant craint & redoutte fort. aussi les Indiens se deffendent avec flabeaux contre cest animal, & les chasseurs pour attraper l'Élephant a fin de l'estonner & contraindre à se rendre, mettant le feu es bois a lentour, chose aussi experimentée n'apas trop long temps a Rome, lors que le magnifique Iulian de Medicis y fit son entrée & fut receu par le Pape Leō 10. son frere. Ou entre aultres magnificences fut vn Elephant chargé d'un chasteau avec gens armés & artilleries, lesquelles quant on vinta deslacher [par ignorance du naturel de l'Élephant] ceste beste effrayee du feu & de la scopterie, ne peut iamais estre arrestee qu'elle ne s'allast ieter dans le Tibre. Ce que recite Mathiole sur dioscoride .

Je pourrois icy rapporter beaucoup de choses rares & excellentes qui se treuuent en cest animal prises de plusieurs autheurs, si le subiect de mon liure le permettoit, mais pour contenter aucunement le lecteur ie diray en passant que les Elephants ont plus de memoire que nul aultre des animaulx, d'autant que ceulx qui les ont en gouuernement les domptent de telle facon, qu'ilz les font recognoistre les Roys & grands monarques, s'enclinans deuant eulx. Leur naturel est si bon qu'ilz treuuent les hommes esgarez par les desert, & marchent deuant eulx, iusques a ce qu'ilz soient en leur chemin, ilz sont de longue vie, & peuuent viure iusques a trois cens ans, la femelle ne porte qu'une fois . Cest animal est si fort qu'il ny a si grand arbre, qu'il ne iette par terre avec son muse, il ne touche iamais qu'une femelle, & quand elle est pleine, s'en abstient, il porte deux grandes dentz, d'ou vient l'iuoyre qui est bon pour restiendre les fleurs blanches des femmes come recitte Gesnerus.



TERMES DES ANIMAUX

3



ET LEURS ANTIPATIE

DV RHINOCEROT

Le Rhinocerot est un animal approchant a la grosseur de l'Elephant auquel il est ennemy l'Assaillant avec sa corne qu'il a au naseau dure comme fer et tranchante dou le nom grec luy est baillé et encores a ceste adresse de l'aiguiser contre un Roc quant il veut combattre. Ce naturel a esté cogneu par ceux qui rapportent auoir veu un Rhinocerot lequel fut amene des Indes en Portugal au Roy Emanuel en lan 1515 auquel on presenta un Elephant qui de premiere uue se retira comme effraie de uoir si soudainement son ennemy. Combien que l'Elephant ait bien de quoy le maistriser et atterrer de son muffle et de ses dents quant il peut sauuer et eschapper le tour du nez qui est toute la force et uolence du Rhinocerot.

Cest pourquoy iay icy accouple ces deux bestes et faict seruir le Rhinocerot pour un terme qui se pourra employer soubz charge de pareille force a l'Elephant et en quelque bas estage.

TERMES DES ANIMAUX




DV TAUREAV.

Le Taureau pour nous estre animal domestique, est assez congneu de tous, & sa force aussi, qui est employée a donner du plaisir aux grands par le combat du Lion. Aquoy il a bien l'esprit de se disposer & apprester, s'exerçant soy mesme pour se rendre dextre & accommoder a combattre, sil est vray ce que Elian en escrit. il pourra seruir de terme en second estage, voyre & premier, ou bien estre collocqué es estables la où ces bestes a cornes s'ot logées a quelque vsage que ce soit, ou pour le labeur & seruice domestique ou pour en tirer le plaisir & passetemps coustumier aux princes & seigneurs comme dict est.

On pourra enrichir ce terme de quelques bestes qui luy sont contraires, comme du Lion [chose certaine par experience] de l'ours, ou du Loup selõ Aristote & Eliã.

Icy a esté despeint seullement, par oubliance, le corbeau qui est vn oiseau hardy, & qui ne cede en courage non pas mesmes a l'aigle, ainsi que parle Eliã. Iceluy asauté & les Taureaux & les asnes, se plaitlant sur leurs testes, iusques a leur creuer les yeux.



TERMES DES ANIMAUX

5



ET LEVRS ANTIPATIE .

DU TAUREAU.

LE Taureau pour nous estre animal domestique, est assez congneu de tous, et sa force aussi, qui est employée à donner du plaisir aux grands par le combat du Lion. Aquoy il a bien l'esprit de se disposer et apprester, segerceant soy mesme pour se rendre dextre et accōmoder a combatre, s'il est vray ce que Elian en escrit. il pourra servir de terme en second estage, voyre et premier, ou bien estre collocque es estables la où ces bestes a cornes sont logees a quelque vsage que se soit, ou pour le labeur et service domestique ou pour en tirer le plaisir et passetemps coustumier aux princes et seigneurs commedict est

On pourra enrichir ce terme de quelques bestes qui luy sont contraires, comme du Lion (chose certaine par experience) de Lours, ou du Loup selō Aristote et Eliā.

Icy a esté despeint scullement, par cubliāce, le corbeau qui est vn oiseau hardy, et qui ne cede en courage non pas mesmes a L'aigle, ainsi que parle Eliā. Iceuluy assailé et les Taureaux et les asnes, se plantant sur leurs têtes, iusques a leur creuer les yeux.

TERMES DES ANIMAUX

6



DE LA VACHE .

LA Vache est de nature telle qu'elle ne boit point, sinon en eau claire et nette. Quant elle entre en amour, court et crie ordinairement apres le Taureau et deuiet comme sauuage, le pastre ne la peut contenir poursuyuant le Taureau pour estre saillie, elle ayne bien son veau et le nourrit iusques à ce qu'il mange seul. Elle a cette propriété de ne iamais allaiter son veau iusques à ce qu'elle luy ayt esté vne peau qu'il a en sa naissance sur le front, laquelle peau esment les hommes à aymer. Son lait est bon apres qu'elle a eu son veau, mais auparavant, n'est pas si bon .

La presentant en terme pour accompagner celuy du Beuf, Je luy ay donné pour contraindre le Serpent ou couleuvre qui tache à la tetter, et par ce moyen la rend foible et sterile.

Le Corbeau prent plaisir à se mettre sur sa teste afin de luy beaqueter les yeux (côme nous auons ià dict du Beuf) mais en seccouant ses oreilles elle le chasse. Son lait est plus gras que celuy de la brebis et de cheure selon l'opinion de Galien et de Gesnerius.

TERMES DES ANIMAUX

7




DV CHEVAL

Le Cheual fera beau terme pour enrichir le deuant & portail d'escurie, comme aussi en tous autres lieux l'ouurier scaura bien luy treuuer place seante & conuenable. La force de cet animal domesticque est assez congneue pour luy donner charge hardiment, pouuant bien tenir le second lieu apres l'Elephant, Rhinocerot, Beuf, & Taureau.

Ses contraires & ennemys [pour l'enrichissement] sont comme l'Elephant, du quel il ne peut souffrir de veoir la forme inusitée, le hurlement effroyable & odeur tres-infect. Chose certaine par plusieurs histoires qui font mention des guerres & combatz ou les Elephans ont esté employez.

Le Chameau aussi est hay naturellement du Cheual, qui ne peut le veoir, ny s'etir. Ce que fut bien espreuü en la bataille qu'eut Cyru cõtre Cresus comẽ descrit Herodote.

Quant a l'austruche que i'ay icy peinte & attachée au cheual, Je n'ay pas encores autheur qui m'ayt appris qu'elle luy soit ennemie, sinon Cardan: avec une coniecture que i'ay, que ce soit a cause de la ressemblance que cet oyseau a avec le Chameau du quelle Cheual ne peut souffrir le regard, tant il l'abhorre, comme i'ay dict.



TERMES DES ANIMAUX

8



ENCORES DV CHEVAL.

*Estant le Cheual le plus agreable a l'homme de tous les animaux pour sa beauté singuliere, & grand service qu'il luy faict, le lay icy representé en aultre facō de terme, me semblant estre fort desireux pour l'affectiō qu'vn chacun luy porte. Gesnerus en a-
amplement escrit.*


Le Loup luy est si contraire, que si le Cheual marche sur les passées d'un Loup, sera rendu stupide & amorty. Pline dict qu'il creuera. A quoy faict ce que traicte Plutarque en ses problemes, parlant des Cheuaux appelez Lycospadæ.

Entre les oyseaux est vn nommé Florus, & des Gregardos, ennemy du Cheual selon Aristote & Elian.

Le Loup ceruier luy est semblablement fort contraire, de sorte que l'Ouurier pourra a son choix applicquer tel enrichissement qu'il voudra pour rendre le terme plus-parfaict.

Et semblablement il y adiousterá si luy veult, & semera ce terme de quelques-fruictages, combien que telle charge de-fruictz soit communement haye par toutes bestes de service que les Latins nomment Iumenta, ainsi que verrez dans Pline.

Est de mesme du Museraïn qu'icelles bestes de service detestent comme dict Elian.



TERMES DES ANIMAUX


9



DV CHAMEAV

Le Chameau mesemble estre fort propre entre autres, et auoir une bien belle grace pour le disposer en forme de terme en quelque endroit quil soit mis. Car sa haute taille, son col long qui se peut aussi rephyer et courber, ses bosses bailleront maintes commoditez à louurier de lasseoir et poser sous quelque faux quil uoudra pouuant bien endurer une bonne charge comme beste forte et qui est de grand seruice aux nations ou elle est famuliere, tant pour les grands faux dont ceste beste peut estre chargée. et a long uoyage, que pour le fait de la guerre, auquel usage les anciens sauoient bien lemployer, principalement contre une cauallerie qui estoit incontinent deffaite a la ueue de ces bestes, pour linimitié et haine naturelle quil y a entre le Chameau et le Cheual, comme icy desia dict cy dessus.

Cest pour quoy en ceste figure qui est dau tre disposition que les precedentes, icy fais apparouistre une portion de Cheual saillante laissant, neanmoinst a la discretion de louurier de laccommoder autrement sil ueut.



TERMES DES ANIMAUX

10




ENCORES DV CHAMEAV

ET dauant que le Chameau est de longie enclure. il m'a s'emble que le dressant en terme debout il seroit plus agreable que de la forme precdente & pourra l'ouurier y approprier vn Lyō, sil le treuve beau. n'ayant le Chameau plus grand ennemy que le Lion qui est aspre a sa chasse, & l'appete fort pour le deuorer entre toutes autres bestes. Ce qui est preuue par Herodote qui recite que les Chameaux de Xerxes, lesquez portoient les viures & munitions de son camp, furent assailliz par les Lions, encores qu'il y eust d'autres animaux, ausquelz, ny aux hommes, ny a chose quelconque ilz ne s'attacharent fors a ces Chameaulx. Cecy est aussi recite par Elian.


Le naturel de ces animal est, qu'il ne va pas plus qu'il a accoustumē, Ne se veult laisse charger a l'ine des fois plus qu'a l'autre. Il est si humide qu'il endure la soif par quatre jours, & peut viure cinquante ans & plus. il ronge sa viande come vn Beuf, & ne se couple jamais avec sa mere, son propre est de s'eneliner par terre quant on le veult charger, & quant il sent qu'on luy a mis sa charge ordinaire il se dresse de bout, ce qui sera dict en passant pour contenter le lecteur.





TERMES DES ANIMAUX

11





ET LEVRS ANTIPATIE .

DU DROMADAIRE .

Pour représenter en terme le Dromadaire, et rechercher s'il est beaucoup différent du Chameau, j'ay feuilleté ce que j'ay peu, et trouué par les Auteurs qu'il ne differe guieres de l'autre Chameau sinon en tant qu'il n'a qu'une bosse sur le doz: Il vit ordinairement 50. ans comme le Chameau de la Bactriane c. Il vit en Arabie: est beaucoup plus vif et plus petit que l'autre, et peut porter sur son doz iusques a mil cinq cens liures. Diodore le loue pour sa vitesse par ce qu'en onze iours on a fait le chemin qui d'ordinairement avec Chameaux ne se peut faire qu'en soixante. cest un doux animal, et haut de cinq coudées, se mettant a genoux quant on veut monter dessus, Il a les piedz fenduz, courte queue, et poil velu.

Ses contraires sont les Cheuaux, les Lions et Serpens, comme recite Elian et Herodote. me semble que l'ouurier qui aura volonté des'en servir le pourra enrichir des têtes de Lions et Cheuaux comme chose a luy contraire.





TERMES DES ANIMAUX

12




ET LEURS ANTIPATIE.

DE LA LICORNE.

LA Licorne est entre les animaux la plus douce et tres-belle a voir, estant pourueue d'une vertu naturelle tres-agreable a tous, elle se treuve es Indes au Royaume de Niem ayant la corpulence d'un Cheual, et la teste de Cerf; son poil est roux, et au milieu du front vne seule corne de la longueur de quatre piedz et plus, et est tellement aiguë que tout ce qu'elle frappe, facilement elle penetre Solin diet que la corne est transparente, cest animal se delecte es lieux les plus solitaires, et se plaist aussi grandement a l'aspect de quel que icune fille et se glorifie de la voir.

Son grand ennemy et plus contraire qu'elle ayt, est le Lion: Cest pourquoy tele represente deuant son tarquoy et l'ay figurée en forme de terme, lequel me semble estre assez propre pour estre acompagné de lordre du Cheual estant de mesme corpulence et grandeur.



TERMES DES ANIMAUX

13




ET LEVRS ANTIPATIE.

ENCORES DE LA LICORNE.

DEsirant diuersifier ce terme afin de donner meilleure volonté aux ouuriers de les employer aux edifices, i'ay dressé ce terme de Licorne d'une aultre inuention assez gaillarde, avec son contraire. Adioustant la propriété de sa corne qui est telle, et a tant de puissance, quelle chasse tout le venin suyuant l'opinion des anciens et praticque ordinaire, en ayant esté faicte l'espreuue de nostre temps par le Sieur de Brisac lequel en la presence de plusieurs medecins, chirurgiens et apoticaire des plus fameux de ce Royaume fit bailler par leur aduis a deux pigeons d'une mesme couuée chacun douze grains de Napellus dont l'un diceulx commençant a se mal porter on luy donna incontinent douze aultres grains de la Licorne par le moyen dequoy il ne mourut pas, et l'autre au contraire ne cessa de se débattre iusques a ce qu'il fut mort, estimant que pour la singuliere vertu de ladicte Licorne vn chacun se delectera a en auoir en ses bastimēts. Cest pourquoy j'ay inuenté Ce second terme d'une aultre façon avec son contraire qui est la teste d'un Lion au deuant de son tarquois pour s'en seruir par l'ouurier ainsi qu'il aduisera pour le mieulx.





TERMES DES ANIMAUX


14



ET LEURS ANTIPATIE

DE LASNE

LAsne qui est vne beste de grand
travail, ou le mulet de mesme espe-
ce, sera formé en terme pour estre pro-
prement mis es ecuries. Ne l'aurra pour-
tant d'estre employé & auoir grace en
aultres lieux d'Edifice & maçonnerie
au bon plaisir de l'ouurier, qui l'en-
richira de quelque contraire, comme
icy du Loup qui est son ennemy par
le tesmoignage d'Aristote & Elian
& entre les oiseaux plusieurs luy font
la guerre, cōme le corbeau, diēt
ces mesmes autheurs & quelques aul-
tres moins congneuz de mon françois
comme loiseau nomme colotta par Aris-
tote: parus ou sal: que l'interprete de
pline tourne vne Linotte, & un aultre
appelle Spinus, que le mesme interpre-
te dict vn scnicle de quoy ie ne veulx
pas disputer, seulement vous aduertir
de l'inimitie qu'ont ces oiseaux avec
lasne ce que vous lirez en Pline & Elian




TERMES DES ANIMAUX

15



ENCORES DE L'ASNE.

L'Ouurier pourra encores diuersifier la facon du terme de l'Asne avec certaine facon d'habillemens accompagnée de quelque teste de Loup & despouilles comme son plus contraire, & pour remplir ceste page I'a diousteray a ce que i'ay cy deuant dict du naturel de L'asne, qu'il est fort tardif & paresseux au marcher & ne le peult-on faire aller qu'a coups de verges & bastons. Sa chair a este autrefois en grande recommandation parmy les Romains & Atheniens, Le laict de L'anesse a de singuliers effectz pour les calculeux & melancholiques, Il est subtil entre tous les autres, & iamais ne se caille en l'estomach Aristote dict que L'asne est fort hay d'un petit oyseau cy dessus declare qui faict son nid parmy les espines & se combat contre luy parce qu'il mange les chardons. Il a aussi pour ennemy le Corbeau, comme aussi le Taureau, L'ours, & le Loup selon Elian.



TERMES DES ANIMAUX

16




ET LEVRS ANTIPATIE.

DE L'OVRS.

Lours, ce dict Pline, a la teste débile et inualide, au contraire du Lion qui l' a forte et robuste, lequel naturel si l'ouurier veult suyure et croire, formât vn terme de c'est animal, il le chargera de quelque faix moins pesant, cōme le mettait en second et tiers estage, ou s'il le veult de plus charger luy fera dresser les pattes ou il a sa plus grande force. Toutefois ie ne vou drois ia estre si scrupuleux que de penser si nuant, attendu mesmes que les peintres et sculpteurs sans se troy assuetir au naturel, biē souuent suyuent leur fantaisie et inuention a plaisir aussi bien que les poetes, dict Horace en sō art poetic. Quoy que c'en soit, Lours est vne puissantie et forte beste, assaillant et faisant la guerre non seulement aux Cerfs, mais aux Sangliers, et Taurcaux, de laquelle chasse il se nourrit, cōme dict Aristote, occasion dequoy on luy pourra donner bonne charge.

Pour l'enrichir et accōpagner de quelque chose aluy contraire, l'ouurier y applicuera s'il veult quelque portio de Taurcau avec le scēlētos icy figuré, ou au tre chose qui pourra sembler estre plus propre a signifier vne charoigne. Si bien que l'hōme se rencontrant a vn Ours, se iettant incontinant a terre, s'il se garde de respirer, et qu'il sache bien contrefaire le mort il euitera le danger de ceste beste, qui ne le touchera point, ains l'ayant odore le lairra comme estant mort.



TERMES DES ANIMAUX.

17




ET LEVRS ANTIPATIE.

ENCORES DE L'OURS.

IE veulx encores icy diuersifier ce terme et accommoder l'ours d'une façon d'habit y appropriant certaine despoille de ses contraires, cōme la teste d'un Taureau, d'un hōme mort, avec un colier d'ossements de morts, comme chose que L'ours deteste et abhorre estrangement.


Cest animal naist es pays froidz: il y en a de grands et de petitz, les petitz sont ceulx qui plus aisement montent sur les arbres, L'ourse ne porte que trente jours, et produit seulement vne piece de chair, laquelle a force de lescher elle pollit et accommodé de telle façon qu'en fin el le rend semblable a soy. la graisse de L'ours profite beaucoup aux brustures, et principalement pour le feu volage qui est aux reins exterieurement, ainsi que le rapportent les medecins.



Faint vertical text or markings along the left edge of the page, possibly bleed-through from the reverse side.

Faint, illegible text or markings in the lower-left quadrant of the page.

Faint, illegible text or markings in the lower-center area of the page.




TERMES DES ANIMAUX

18



DV GRIFFON.

Pausanias, Solinus, Philostrates, Isidore, & autres Auteurs qui ont recherché le naturel & qualité de cest animal disent que cest vne beste a quatre piedz comme le Lion laquelle se treuve en Scythie ayant des griffes, piedz, & queue, iambes, semblables au Lion auquel il est egal en force, par le deuant il trespèble a l'aigle, mesmement la teste, ses ornaillies sont assez courtes & velues, le poictral & les iambes de deuant reuistues de plumaige, & le derrière de poil, quelques vns tiennent qu'il a de mesmes marques que la Panthere, & qu'il n'a point d'ails sinon vne petite pellicule rouge qui luy est attachée au costé, il ne voste pas beaucoup, mais seulement come les petitz oyseaux. peult neaumoins combattre en l'air, bastissent leurs nidz aux montaignes, & d'autant plus qu'il est difficile de les auoir estans grands, d'autant plus aisement les prenton quant il sont petitz & fort ieunes. Ses ongles sont si gros que l'on en fait des hanaps & aultres vaisseaux seruant a boire, il garde ordinairement les montaignes ou sôt les mines d'or & pierres precieuses, principalement en Scythie qui en est fort riche & fertile & neaumoins pour la plus part inhabitee a cause desdictz griffons qui y dominant tellement avec telle rage & furie qu'il est fort difficile & quasi impossible a ceux qui voyaget d'approcher ceste terre pour la trop grande cruauté de ces animaux. lesquels deschirent & mettent en pieces tous ceux qu'ilz recôtrèt, & semble qu'il soiet destinez a corriger & abbatre la trop grande auarice & temerité des hommes qui sachement en ces contrees pour remporter des tresors qui y sont, sa force est si grande qu'il porte en l'air vu Cheual & l'homme dessus, il esgalle, comme iay dict a la force du Lion, avec lequel il a souuēt combat a cause des susdictes pierres, il surmote l'Elephant, & le dragon. oultre lesquelz le Cheual luy est merueilleusement contraire, cest pourquoy soubz sa griffe iay representé en ce terme vne teste de Cheual.




TERMES DES ANIMAUX


19



DV LION

Le Lion Roy des animaux, pour sa beauté & prestance feroce, pourre servir de terme magistral & de parade es entrees de palais Royaulx ou maisons seigneuriales, toutesfois en quelque lieu qu'il soit mis, il ne peult faillir d'auoir grace, quelque cruel & formidable qu'il soit, siail d'autres qui luy sont en horreur, comme L'elephant au recit d'Eliau : comme le Loup ceruier, dit Aristote qui est ce que Pline dit Thoes. Et entre les oyseaux c'est chose esmerueillable de la crainte & horreur qu' a le Lion du Coq exprimé en ceste figure, principalement lors qu'il chante, ce que Pline tesmoigne en deux endroitz, Eliau & assez d'autres, quelques vns m'ont dit auoir veu presenter vne chieure a vn Lion, qui monstra lors contenance d'en estre fort effrayé, plus estrange encor me semble ce que dit Pline que le Lion sestonne au bruit d'une charrette courante & a veoir ses roues. Louurier qui aura a enrichir cè terme en ceste sorte choisira assez de quoy luy donner grace on y pourra adiouster deux flambeaux de feu, parce que le Lion aussi bien qu'auons ^{dit} de l'Elephant craint fort le feu par les mesmes autheurs Pline, & Aristote qui amene le tesmoignage d'Homere .






TERMES DES ANIMAUX

20




ENCORES DU LION

Comme le Lion est le Roy des animaux à quatre piedz & que chacun est plus curieux & se delecte dauantage à dresser es edifices & bastimés des Lions, ou maffles de Lions, iay voulu expressement représenter ce terme d'autre grace que le precedent y adioustant vne teste de Loup & lecoq qui luy sont fort cōtraires, iay encores approprié son tanquois de quelques feuilles & brâches d'yeuse, qui est espece de chefne d'autant que suivant le dire d'Élian, le Liō marchât sur ces feuilles, deuiet torpide & amorty. I'adiousteray icy en passant ce que plusieurs auteurs raportent qu'il y a deux especes de Liōs & mesmes Aristote le tesmoigne en diuers lieux, les plus grands & forts se treuuent en Europe pres le fleuue eshis ou esus selon Ptolomée. Le plus bas de courage viennent en Afrique, tous viuent Longement, & est a remarquer le dire de Gesnerus que la brebis oincte du suif de Lion, n'est iamais approchée du Loup.



10



TERMES DES ANIMAUX


21



ET LEVRS ANTIPATIE.

AV-TRE PORTRAIT DV LION.

IE ne me puis contenter de ces deux premiers termes que ie n'en represente icy encores vn aultre de nouvelle façon, affin que la diuersité resiouisse la veue de l'homme et que l'ouurier ayt le choix de celui qu'il trouuerra plus agreable. Or estant le Lion en bruiet et renommee d'estre le plus superbe entre tous les animaux, accompagné d'vne furieuse audace contre ceulx qui osent attacquer a luy par combat, ie l'ay posé en ce trinc ayant vn accoustrement de hocqueton en forme de casacque avec quelque trophées de guerre cōme estant le guerrier des aultres animaux figurant en oultre en vne targe le Coq son ennemy, estimant qu'il sera trouuie de bone grace pour estre representé es portiques et aultres lieux que les ouuriers le voudront applicquer, on y pourra adiouster la teste de l'Elephant, ou Rhinocerot pour estre tous deux ses plus contraires et ennemis. Cesnerus et Plinē tesmoignent que les habitz qui auront esté mis dans la peau d'un Lion, sont exemps des arnes. La defectuosité de ses dents, dient ilz, monstre qu'il vit longuement, et seroit fort dangereux s'il n'estoit tourmenté de fiebres quartes et aultres maladies, ce que ie n'ay voulu obmettre affin que le lecteur sache plus amplement la vertu et la nature de cet excellent animal.



TERMES DES ANIMAUX

22




ET LEVRS ANTIPATIE

DE LA LIONNE .

Je me veulx encores arrester icy pour faire vn nouveau terme de la Lionne, laquelle ores qu'elle soit de mesme espece, naturel, grosseur & grãdeur au Lion, si a il quelque difference entre eulx, d'autãt que la Lionne n'est reuestue de grand poil par le col comme le Lion, elle a aussi si longue queue & velue par le desoubz, & nullement huppee par le bout ainsi que celle dudict Lion, sa peau est tachetee & mouchetee, ayant vn grand touppon de poil entre les deux iambes deuant sa nature semblable à celuy du Lion. tous les autheurs qui en ont escrit, tiennent qu'elle est estrangement furieuse ayant ses petitz, elle a accoutumee de se retirer es cauernes & lieux deserts & loing des bruits .

Ses contraires sont le Griffon, L'elephant, la Chieure & le feu: Je nay icy rien applicque desdictz contraires, ayant remis a la discretion de l'ouurier pour sa fantasie & come il scaura iuger enrichir le terme de l'un ou de plusieurs diceulx.



TERMES DES ANIMAUX

23



ET LEVRS ANTIPATIE

DV TIGRE .

Le Tigre est une beste pour sa ferocité et nature indontable rarement ueüe et peu congneue des anciens. Arrian ou il parle des Indes, ledit est de la taille d'un grand cheual, et qu'il ny a beste quelle ne surmonte, iusques a l'elephant mesmes Strabon rapporte de Megasthenes qu'elle est aussi grosse deux foys qu'un Lion. Barro la compare a un lion. Sil est ainsi, iene l'ay pas mal mise entre les grosses et fortes bestes, pour supporter en forme de terme grosse charge et pesanteur

Ceste sonnerie de cloches, tambours, et trompettes, est appropriee pour chose contraire, et hay de cest animal Car, dict Plutarque en ses precptes de mariage, le Tigre oyant le bruit des tambours et cymbales que l'on peut aussi entendre pour tout bruit aigre et esclatant est soudain effroyé, et entre en fureur, iusques a se dechirer soy mesme et mettre en piece .



ET LEVRS ANTIPATIE .

ENCORES DV TIGRE.

J'Ay dict cy deuant que le Tigre est de la grandeur d'un hault Cheual, estant marquée de grandes taches noires, il est d'une légèreté incroyable lors que quelcun luy desrobe ses petitz. Il y en a vne histoire en P. Martir Oceanire, quelques vns ont voulu dire que les femelles engendrent sans males, et qu'elles conçoient du vent, mais ilz se trompent, d'autant qu'on a veu le contraire, combien que rarement, ie n'ay représenté en ceste figure que les cloches et tambours, ainsi qu'en la précédente, mais ie l'ay approprié d'une autre inuention plus bigearre pour donner le choix a ceux qui s'en voudront seruir de s'arrester a celui qu'ilz jugeront leur estre plus agreable.

TERMES DES AINMAVLX

29



DV CERF .

Le Cerf assez congneu de tous, com-
 bien qu'il ne soit des plus robustes,
 si a il belle et haute taille, pour monst-
 rer apparence de forces assez suffisantes a
 soustenir bon faix . Pour l'enrichir et ac-
 compagner de ses contraires, on luy pour-
 ra dresser deux chiens, qui luy sont en
 nemys trop ordinaires et experimentez
 a sa chasse, ie l'ay entortille de serpens,
 avec lesquelz il a forte guerre, comme
 de s'crit amplement Oppian liure second
 de la chasse, et en parlent Pline et Elian
 entre les oiseaux iay mis l'aigle qui le
 trauaille fort, et assaute furieusement ain-
 si que tesmoigne le mesme Pline . On y
 appropriera qui voudra, L'ours qui va a la
 chasse apres luy comme iay dict ou le
 Renard que le Cerf a en horreur, l'oyant
 criailler selon Albert .

TERMES DES ANIMAUX

20



ET LEVRS ANTIPATIE

ENCORES DV CERF

Cest animal est des plus plaisans & agreables, quant il est viuement pour suiuy & chassé par les chiés, il a son refuge aux hommes, il nage naturellement de bien grâdes riuieres, son ouye est aussi tres-bonne alors qu'il a les oreilles dressees, mais s'il les abbaissees elle diminue de beaucoup, il surpasse to^s animaulx courruz par sa belle ramure, il la met tous les ans bas pour son proffict & pour la charge qu'elle luy feroit, & deux moys apres les cornes sont reueuues comme a lesnes, dont sont appellees subulones. Orus Appollo en ses hieroglyphiques escrit que le Cerf s'enfuit, quant il voit vn Belier: mais possible qu'il y a faulte selon d'aucuns, & qu'aulieu que le Grec dict Elephas, l'interprete a pris Elaphos qu'est vn Cerf Car j'ay dict auparauant, que L'elephant crains le Belier, tu voyz ce terme d'une autre façō que le premier, & choisiras celuy qui t'agrera le plus.

TERMES DES ANIMAUX

27



ET LEVRS ANTIPATIE.

DE LA BICHE.

LA Biche est de mesme naturel, grandeur, grosseur, et pelage que le Cerf, elle ne porte cornes ny ramures, cest la femelle du Cerf, estant beaucoup plus doulee a l'homme que le Cerf, elle a comunement le pied plus long estroit et creux que le Cerf avec vn petit os tranchant audict pied. le Cerf et la Biche rechangent naturellement de viure tous les moys suyuant que le Soleil haulse, il entre en ruy au moys d'Octobre, et suit la Biche partout ou elle passe, menjeant bien peu pendant cec temps. Ses contraires sont Lions, Serpens, Chiens, et aultres animaux. i'ay fantastiquement accoume de ceste Biche en terme, estimant qu'on le treuiera de bonne grace pour l'aproprier en quelque edifice ou endroit aupres du Cerf son compagnon, et y pourra on adiouster quelques vns de ses contraires a la discretion de l'ouurier.



ET LEVRS ANTIPATIE.

DV CAMALEON OV GIRAFLE.

Ceste beste se treuve en Ethio pie
tenant de la nature de la Panthere
et du Chameau, auquel il ressemble
pour la longueur du col et de la teste,
et pour le corps au Leopard, sa veue
est fort loingtaine et court tres-diligē
ment n'ayant aultre deffence soit du pi
ed ou de la dent, sinon le courir, elle
est plus belle que fiere, et avec ce tres
douce et plaisante, les Iuifz en megent
selon leur loy, et s'appelle camelopardi
lis. I'en ay expressement faict vnterme,
pour accompaigner celuy du Chameau
a cause de leur grande encollure.

TERMES DES ANIMAUX

29



ET LEVRS ANTIPATIE.

ENCORES DV GIRAFLE.

*P*our tousiours diuersifier mes termes, j'ay encores icy representé le Girafle d'une aultre façon que le premier afin de complaire dauantage a l'ouurier, lequel i'aduertiray oultre ce que j'en ay ia dict, pour le despeindre au vray, qu'il a le corps tout mouchetté, le col long, petites oreilles ychte teste, les piedz longs, les iambes de deuant plus longues que celles de derriere, les cornes delices, la bouche mediocre et tendre, comme le Cerf, les dents blanches, les yeux esclairans, et la queue courte et noire au bout.



ET LEVRS ANTIPATIE .

DV LEOPARD.

Ceste beste selon l'opinion des Grecz est engendree d'un Lion et d'une Panther, tout ainsi que le Mulet d'uneument et d'un Asne, elle est merueilleusement legere et fine pour attrapper les aultres animaux, montant sur les arbres entre les branches les plus espesses ou elle se cache pour de la voyant sa proye se ruer sur elle, on la peut accoustumer a la chasse comme le chien, mais estant laschee par le veneur, si du troiesme ou quatriesme sault elle ne prent sa proye ou ne vient about de son dessein, soudain elle s'arreste furibonde et fachee et accourra aux homes et chiens, si le veneur promptement ne luy iette du sang de quelque beste pour appaiser sa fureur, elle n'est plus haulte qu'un chien, dict Isidorus, mais plus longue de corps, ne laisse pourtant d'estre fort cruelle. le Leopard est de diuerse couleur, semblable au Lion de corps de pieds et de queue, le Loup luy est fort contraire, ie me suys aduisé de luy faire vne troussse de feuilles de chesne et de glands, luy mettant en escharpe pour seruir d'erichissement afin que le terme soit plus agreable.

TERMES DES ANIMAUVLX

31



ENCORES DV LEOPARD .

*Me semble qu'on ne trouuerra
mauuais si ie fais encores vn nouueau
terme du Leopard avec un habit dont
l'inuention sera possible agreable aux
ouuiers, & par mesme moyen luy ap-
plicquer quelcun de ses contraires estant
ennemye de tous les aultres animaulx
ausquelz il faict la guerre par sa cruau-
té, cest pourquoy iay seulement repre-
senté au milieu de son tarquois la teste d'
vn animal despouillée de sa peau & de sa
chair, avec quelques façons de trousses
de fleurs pour embellir ce terme .*

TERMES DES ANIMAUX

32



ET LEVRS ANTIPATIE .

DE LA PANTHERE.

C'est animal est aymé de toutes bestes, excepté du Dragon qu'elle hayt mortellement, fuyant sa cōpagnie, combien qu'elle se resjouisse de celle des autres animaux de son espece. Sa peau est tachetee de petites marques blanches, noires et perses, elle ne faonne qu'une fois en sa vie, parce que ses petitz estant au ventre de leur mere prestz a sortir il luy rompent le ventre de leurs ongles, et convient qu'elle les mette hors avant le temps, et combien que les males de toute sorte d'animaux soient les plus fortz se est ce que ceste reigle faut en L'ours et en la Panthere quant elle a mangé, elle se cache en une fosse, et dort par trois iours, et a son resveil elle iecte un cry sortant de sa bouche une odeur si agreable que toutes bestes la suyvent excepté le Dragon, comme dict est lequel s'enfuit, au lieu que les autres animaux se delectent a la veoir. Je la represente en ce terme, accompagnee de quelques rouleaux, avec un colier de fleurs, representant l'audeur aromatic qui sort de sa bouche.



DV LOUP CERUIER.

CE Loup ceruier est vne beste nee d'un Loup et d'une Cerue, et d'un cerf, et d'une louue, il participe de la nature du Loup en ce qu'il est carnassier, au reste semblable en tout il approche plus du chat, que de nul aultre animal, et rend vne voix presque semblable, il est de la grandeur d'un chien courant, mais de plus leger taille, il a des marques comme la Panthere, sa peau est fort velue, le poil long et doux, et fort tachete de blanc et tanné et bleu par dessous le ventre, sa memoire est fort courte, car encores qu'il soit fort affame, touteffois si en menjeant ou prenant son repas, il tourne la teste d'aultre costé soudain il s'en va, n'estant memoratif de sa pasture premiere et en cherche d'aultre, il s'en treuve beaucoup en Italie.

Celuy qui a adiousté a l'histoire de Carion, dict qu'il en sortit un l'an 1547. de la forest d'Orleans qui fit beaucoup de mal au terroir de Bourges, il faict estrangement la guerre au Cerf. Ses plus grands ennemis et contraires sont le Lion, l'elephant, le Dragon, la Panthere, le Chien, le Loup, l'Aigle et le Signe, et courra neaumoins plustost aux personnes pour les deuorer qu'aux aultres animaux, cest pourquoy l'homme le hayt estrangement. I'en ay dresse un terme qui pourra seruir en quelque hault estage.

TERMES DES ANIMAUX


34




ET LEVRS ANTIPATIE

DV LOUP.

Le Loup est vne beste farouche, barbare, & cruelle, ennemie de beaucoup d'animaux: neanmoins d'assez belle presence, ressemblant vne espece de chiens. comme dogues & matins, il est assez velu, grosse teste, & courte oreille. Je le represente en forme de terme, l'appropriant avec ses contraires, qui le tiennent enuironné de toutes pars: y applicquant des chiens, comme ses plus ennemys. Ceste beste estant acharnée de la chair humaine, est fort cruelle & porte grand dommage, se iettant plustost, & plus comunement sur les femmes & petitiz enfans, que sur les hommes. Sa cruauté paroist plus au mois de Ianuier, lors qu'il va apres la femelle, estant en chaleur, & estant assembléz en grand nombre, ilz deuiennent plus hardys & dangereux. La veue du Loup est a craindre a l'homme, car sil voit vn homme, auant que l'homme le voye, il luy oste a l'instant la voix & parole, il est grand ennemy du mouton, de l'asne, & de la Chieure.





TERMES DES ANIMAUX

35



ET LEVRS ANTIPATIE

ENCORES DV LOUP .

*Pour la diuersité des termes, i'ay voulu
representer le Loup d'aultre façon, me-
semblât de meilleure grace, & plus gail-
lard en terme sans y approprier des
contraires. Cest une beste passagere, &
cōme iay dict cy deuant, malicieuse,
farouche, & barbare, il a l'oreille droic-
te & courte, dou est venu le prouerbe,
il tient le Loup par les oreilles, quāt
on est en doute de ce que l'on doit faire,
il se nourrit de chair, hormis quant il a bien
faim qu'il mange de la terre, il en terre,
sa pasture, estant saoul, pour quant il aura
faim, estant malade, il mange de l'herbe
ainsi que le Chien pour se faire vomir
& purger, & estāt vieulx s'engendrent des
serpens en son corps qui le font mourir .
L'on pourra applicquer de ses contraires
& telle facō d'enrichissement que lon-
voudra, cōme flāmes de feu, Serpens
Scorpions, testes de chiens, & aultre cho-
ses semblables a la discretion de l'ouurier.*

1907

1907

No.	Name	Age	Sex	Color	Height	Weight	Build	Complexion	Hair	Eyes	Teeth	Other
1	John	15	M	White	5-6	120	Medium	Fair	Black	Blue	Good	
2	James	14	M	White	5-5	110	Medium	Fair	Black	Blue	Good	
3	William	13	M	White	5-4	100	Medium	Fair	Black	Blue	Good	
4	Robert	12	M	White	5-3	90	Medium	Fair	Black	Blue	Good	
5	Thomas	11	M	White	5-2	80	Medium	Fair	Black	Blue	Good	
6	Charles	10	M	White	5-1	70	Medium	Fair	Black	Blue	Good	
7	Henry	9	M	White	5-0	60	Medium	Fair	Black	Blue	Good	
8	George	8	M	White	4-11	50	Medium	Fair	Black	Blue	Good	
9	Edward	7	M	White	4-10	40	Medium	Fair	Black	Blue	Good	
10	Frank	6	M	White	4-9	30	Medium	Fair	Black	Blue	Good	
11	Richard	5	M	White	4-8	20	Medium	Fair	Black	Blue	Good	
12	Joseph	4	M	White	4-7	15	Medium	Fair	Black	Blue	Good	
13	Samuel	3	M	White	4-6	10	Medium	Fair	Black	Blue	Good	
14	David	2	M	White	4-5	5	Medium	Fair	Black	Blue	Good	
15	Benjamin	1	M	White	4-4	0	Medium	Fair	Black	Blue	Good	

TERMES DES ANIMAUX

36



ET LEVRS ANTIPATIE

DV PORC .

Entre les pourceaux, les vns sont priuez, les aultres sauvages, & viuēt de quinze a dixhuict ans, s'entretiennēt de grand amour les vns aux aultres, cōgnoissent & entendent leurs voix, & sil'vn crie tō les aultres vont a luy pour deffendre & deliurer a leur peril, ne doutant point la mort il a en la gorge deux grandes dents bien Esguysées & fortes dont il deschire tout ce qui luy resiste, se couche en la boue quant il veult combattre, pour rendre sa peau plus dure & forte, selon pline, le masle a beaucoup de peine a couvrir sa femelle, laquelle porte trois fois l'annee, sa chair est la plus humide entre tous les animaux qui sont pour la nourriture de l'homme, & pour ce lē cochons engendrent beaucoup de petuité, d'ou vient qu'Hippocrates reprouue la chair ^{du} pourceau qui sera fort gras, pour sa grande humidité. Ses ennemys sont Serpens, Couleuures, Schorpions & beletes, les Loups luy sont aussi fort contraires, se iettans neanmoins plustost sur ses petitz cochons que sur luy, parce qu'il se deffend de la dent & deschire quelque fois le Loup. Je t'en ay icy approprié vn terme, qui me semble estre d'assez bonē grace .


TERMES DES ANIMAUX



ET LEVRS ANTIPATIE.

DV SANGLIER.

Nous auons cy deuant parlé du porc priué, maintenant viendra bien a propos de représenter icy le sauuage, & diray en premier lieu qu'il y a peu d'animaulx domestiques qu'il ne s'en treuve de la mesme espece de Sauvages, comme no' voyons de ces pourceaux, toutes foys il y a quelque differenc^e entre eulx. Car le Sanglier en son allure met^s tousiours la pate derriere dedans celle de deuant, ou bien pres: & le pourceau priué en marchant ouure les ongles de deuant & s'appuye le plus sur le talon & ala pince son pied de derriere ne marche point sur celuy de deuant. Le Sanglier a aussi ceste propriété qu'il ne deuient iamais ladre comme le porc priué, il n'a certaine demeurance, ne faisant que courir de forest en forest, toutes foys il se delecte plus a demeurer au pays de sa naissance, tellement que s'il est chassé par les chiens il fuyra tousiours sans s'arrester iusques a ce qu'il soit au pays ou il a esté né, qu'il estime estre son azile & sauuegarde, il aime mieulx la pasture de formét, que la & aultres fruct des arbres, il se plaist fort es lieux fangeux & marescageux. Je renuoy cray aux medecis les proprietéz & singularitez naturelles qui sont en ceste beste, seulement diray ie que les serpens luy sont fort contraires, l'on pourra veoir en ceste figure de terme si le Sanglier estant accommodé de la sorte que ie lay dressé contentera l'ouurier & celuy qui le mettra en oeuvre.





.DV. BOUC.

LE Bouc selon l'opinion des medecins est de si chaude nature que par la chaleur de son sang, il brise et rompt les pierres il est fort luxurieux, et regarde de trauers, aucuns ont les oreilles longues la queue grande et barbe longue, plusieurs ont les cornes grosses et fortes, le poil dur et puant. La corne du bouc estât bruslée a vertu de chasser les serpens. Je l'ay icy figuré en terme me semblant qu'il se trouuera assez propre, y ay adiousté un loup comme son plus grand ennemy et avec ce des chouettes ou chat huans oiseaux a luy fort contraires, l'herbe du basilic entre toutes les plantes se trouue luy estre plus contraire, car pour en manger il meurt:

TERMES DES ANIMAUX


39



ET LEVRS ANTIPATIE.

ENCORES DV BOVC.

SE treuve vne infinité de sortes de Boucz domestiques et sauvages dont en y a aucuns qui n'ont point de cornes, aultres en ont selon les pays ou ilz naissent et sont nourriz, par sa nature chaulde il est fort luxurieux, les poetes s'en seruent proprement en leurs fictions et discours fabuleux, jay dict cy deuant que le Lion, L'elephant, Loup ceruier, Loup, et quelques oyseaux luy sont contraires, et que de son haleine et poil sort vne grande puanteur. Cest pourquoy les escuyers des Roys, et Princes, et grands Seigneurs par grande curiosité en font nourrir en leurs escuyries pour estre parfumée de telle puanteur. Il n'a semblé, afin de vous donner plus de contentement le dresser en terme d'une troiziesme façon, l'affublant de certain linge en forme d'habit, auquel il fault vne certaine enmenchure d'uncteste de Loup et accompagné son tarquois de quelque teste de Lion pour le rendre plus propre.



TERMES DES ANIMAUX

40



ET LEURS ANTIPATHIE.

DE LA CHEVRE.

Selon la diuersité des pays, y a diuersité de Cheures, c'est animal est assez commun par toute l'Europe, C'est pourquoy entre aultres de ses particularitez on remarque quelle tire et prend son aleine par les oreilles, elle veoit clair de iour et de nuict, aucunes ont des cornes, aultres non, quant elles mordent en plusieurs herbes, elles les font mourir, demesmes en rongeanit les escorces des ieunes arbres, comme poyriers, pōniers, oliuiers, et aultres fructiers, viuient iusques a dix ans, et portent deux cheuereaux l'année quāt elles sont bien noires. La Cheure domestique n'a rien qui ne serue en medecine son laict ne tourmente guieres le ventre, mais il le fault prendre avec vn peu de sel, et d'eau de miel, de peur qu'il ne se caille, me taisant du surplus, par ce qu'il seroit long de rapporter le tout, ioinct que ce n'est icy le lieu.

TERMES DES ANIMAUX

41



ET LEVRS ANTIPATIE

DE LA CHEVRE INDIQVE APPELLE
MEMBRINE

Cest animal est fort bigearre
ayant la leure ou babine des-
soubz beaucoup plus longue que
celle de dessus, ses . . . oreilles luy
pendent iusques a terre & ses
cornes tendent contre bas des-
soubz sa machoire elle a de gran-
des tetines qui luy pendent
aussi bas que ses aures, elle
porte vn homme avec selle &
bride. Ceux de Lybie a faulte
d'aultr^e bestail, tirent grande
quantite de laict, de beurre, &
formage, de ces cheures, elles
esgallent en Inde au rapport
d'Eliañ les plus grands asnes
de son pays. Ceste cheure d'inde
est appelle mambrine, de quel-
que vns, pour la montaigne ou
elle se nourrit. Ses contraires
sont le Lion, la Panthere, le
Loup, le Loup ceruier, & aul-
tres cruelz animaux .

TERMES DES ANIMAUX

42



ET LEVRS ANTIPATIE.

ENCORES DE LA CHEVRE D'INDE.

IL se treuve aux Indes vne aultre
façon de cheures approchant de
bien pres celle cy dessus appellée Mambri-
ne, elle a de fort longues oreilles, la
corne plus droicte et ronde, le poil pl-
us doux et vny, la teste plus belle et
moins fantasque, elle est aussi plus
familier et agreable. rend beaucoup
de lait duquel on fait de bon fourna-
ge et beurre. Je ne luy treuve aultre ani-
maux plus contraires que ceux que
i'ay cy deuant nommé pour ennemis
des Boucs et Cheurs.



TERMES DES ANIMAVEX

43



ET LERS ANTIPATIE

ENCORES DE LA CHEVRE D'INDE

*Il se treuve aux Indes vne aultre
façon de Cheures approchant de bien
pres celle cy dessus appelle Mambrine,
elle a de fort longus aureille, la corne
plus droicte & ronde, le poil plus doux
& vny, la teste plus belle & moins
fantafque, elle est aussi plus familie:
re & agreable, rend beaucoup de laict
duquel on faict de bon fourmage &
beurre. Je ne luy treuve aultres animi:
aux plus contraires que ceulx que j'ay
deuant nomme pour ennemys des Boucs
& Cheures.*



ET LEURS ANTIPATIE

DV CHEVREUL.

Le Cheureul est l'un des animaux le plus gaillard & plaisant courât le mieulx & plus dextremét, & fort allegre & dispos de la mesme nature du Cerf, ayant pour ennemy le chien, & le Serpent. Il a petite corne & delicate, n'a point de dêts en la maschoire de desbus ainsi que les aultres animaux fourchuz, la corne est attachee aux os & non a la peau. Il conuient presque en qualité avec le Dain fors de la ramure, d'autant que celle du dain est plus grande, plus large & plus platte au desbus, les cornons platz & de petite espaisseur, celle du Cheureul est plus petite & pointue, n'ayant que troys cornons et chacune branche, & le reste bien gremelu, la peau est fort velue, de la couleur du Cerf & aucunement tachetée. I'estime que pour le reduire en terme il se treuuerá d'assez bonne grace, l'applicant en tout ce que l'on voudra selon le pourtraict qui est icy representé. Le Linx luy est ennemy, lequel se delecte a la chasse des cheureulx & bestes rousses.

TERMES DES ANIMAUX

45



DV LINX.

C'Est animal est vne espece de Panthere ou Loup ceruier, il a la veue plus aigue qu'autre beste qui soit: de sorte qu'il peut veoir a trauers vn corps solide, sinon qu'il soit diaphane car il en deuiendroit auugle, il y en a de deux sortes selon Oppian, l'une grande qui chasse les Cerz et bestes rousses, l'autre petite qui chasse les Lieures, il pisse par derriere cōme le Lyon, et de son vrine engendre vne pierre de la couleur de l'ābre qui appaise la douleur des reins comme dict Theophraste. Ceste beste est si malicieuse au raport de Plin et Aristote qu'elle cache en terre la pierre engendree de son vrine afin qu'elle ne serue a l'hōme, elle s'endurcit plustost soubz terre que dessus, est fort singuliere pour les yeux, dient les mesmes autheurs. Son naturel est de porter haine a l'hōme et au Lyon qui luy faict ordinairement la guerre, cest pourquoy j'ay figuré quelques testes d'hōmes en l'enrichissement de son tarquois.

TERMES DES ANIMAUX


46



ET LEVRS ANTIPATIE .

DE L'VNCE .

L'vnce est vne beste de mesme espeece que le Linx & de mesme couleur, fors qu'elle a plus courte oreille, & plus grande queue, est fort cruelle, de la grandeur d'ũmastin, son aspect & son oreille cõme vn Lion, le corps, la queue, l'ongle, & le pied, comme vn chat, c'est l'vn des animaux des plus disposz & allegres qui se treuve, ses dents sont si fortes qu'elle romp & brise tout ce qu'elle mord, mettant le boys en pieces, & est si traistresse, aux chiens principale: mēt, que si par fortune, elle s'estime plus foible, elle les festoye, & se couche deuant, iusques a ce quelle voye son opportunité sa peau est blanchastre, & toute marque: tee de couleur noire & tannée, a de grad poil a lentour du col, elle se iette en lair tres-gaillardement & furieusement. J'ay opinion que la façon de ce terme ne sera de mauuaise grace .





DV . RENARD .

S Vrtous les animaulx le Renard
 est le plus fin & cauteleux, se mes-
 lant de les deceuoir & frauder. Sa
 peau est fort velue, la queue gran-
 de & grosse, & quant le chein le prêt
 il luy emplit la gorge de poel, il se
 combat contre le tesson, & chasse
 aux bestes priuees plus qu'aux sau-
 uages, il est ord & puant, a le ventre
 & la gorge blanche & le dos roux,
 estant poursuiuy du chien, il met
 sa queue entre set iambes pisse des-
 sus & en arrose le chien le quel sen-
 tant son vrine si puante, s'enfuit, &
 le quitte. Lontient pour certain que
 quelquefoys ayant faim, il se couche
 par les voyes & contrefaict le mort
 pour attraper les oiseaux qui le peu-
 sent manger, mesmes qu'il vse de cet-
 te malice de tirer son membre dehors
 au soleil pour faire approcher les
 pies qui l'ont apperceu, & estant au-
 pres de luy, se saisit de la plus proche

TERMES DES ANIMAUX

48



ET LEURS ANTIPATIE


DV CHIEN

La nature du Chien est fort bien descrite dans Aristote, Plin, Elian, Albert & Gesnere, & me contenteray de dire qu'il en y a de quatre sortes quāt au poil, blanc, noir, gris, & fauve. Les blancs sont les meilleurs pour la chasse, car ilz sont de hault nez, vistes, & de meilleure course, ilz craignent vn peu l'eau, les fauve les secondent, mais ilz n'endurent pas si bien la chaleur, & ne craignent pas tant l'eau que les blancs ilz ayment les cerfz, ceux qui sont marquetez de tanné & gris, ne valent rien. Les blancs & fauves ne sont que pour les Roys, & grands Seigneurs, parce qu'ilz ne courent qu'au cerf, & non a toute beste, les gris courēt a toute beste que l'on voudra faire chasser, mais ne sōt si vistes ny vigoureux, que les autres, les noirs demādet plustost les bestes puātes, comē Sāgliers & Renards que les autres. Vn beau Chiē a la teste moyenemēt grosse, plustost longue que camuze de nazeaux, les oreilles lōgue & moyeñe d'espaisseur, les nazeaux ouuertz les piedz de Renard, les ōgles gros Les chiens haïssēt naturellemēt les larrons, ayment l'homme & ont tresbon sentiment & cognoissance. Entre les animaux les Loups leur sont fort contraires & entre les arbres la feuille du fresne le fait mourir s'ilz en mangent.



DV BELIER.

LE Mouton Belier est vne beste
 douce et debonnaire, chargée
 de laine ayant les pieds fendus,
 et sur la teste des cornes entor-
 tillées, il se combat quant il entre
 en son temps d'amour et durant
 iceluy pour ses femelles, hurtāt
 ses aduersaires de ses cornes, et
 se recullant pour mieux frapper,
 il est aussi beaucoup plus fier que
 la brebis, l'eau sallée qu'on luy dōne
 a boire, le faict entrer plustost en
 amour. Ses grands ennemis sont
 les Loups, les feuilles de chesne et
 le gland. Le Mouton a la chair
 bonne sur toute autre et de grande
 nourriture. J'ay accompagné son
 tarquois de deux Loups avec vn
 enrichissement de feuilles de chesne
 et de gland.



TERMES DES ANIMAUX


50



ET LEVRS ANTIPATIE

DV MOVTON

Afin de donner meilleure volôte aux ouuriers de sayder de ces termes d'animaulx, j'ay voulu changer de façon celui du mouton avec diuersite d'erichissemens pour leur donner occasion de les mettre en euvre, sans m'arester a l'agencement de de ses contraires sinon d'une teste de Loup, accompagnee de plusieurs fleurs & quelques troussé de linge. la chair de ceste beste comme tous aultres animaulx est plus mauuaise quant elles paist es marefcages, & non pas aux lieux haultz, & est de tres mauuaise digestion, & nuit a ceux qui ont l'estomach pituiteux & humide. Et d'autant qu'elle est familiere a un chacun, je n'en feray plus long discours, sinon que les vns ont la laine plus longue que les aultres & plus propres aux drappiers & Chapeliers celles qui sont les plus courtes & delicates.





ET LEVRS ANTIPATIES

DV PORC ESPIC

Le Porc espic est de forme approchant le Herisson mais beaucoup plus grand son groin ressemble a un petit porc il a le dos tout charge de tuyaux & espines fort longues qui picquent asprement sa peau est tres dure & estrangement forte il se met quelque fois tout en un monceau comme le Herisson en forme dune boulle entre ses espines affin quon nele puisse prendre Quant les loup & les chiens l'approchent il leur iecte de ses esquillons & espines si fermement quilz craignent en approcher Sil se voit chassé & pressé et quil ne peut eschapper il iecte de son vrine ou pissat veneneux qui nuict a soy me sme & aux autres animaux quil ne ont esté touchez & sil en tombe sur son dos tant peu que ce soit ses espines tombe Il monte sur les pommiers quant les pommes sont meures & charge dicelles ses espines pour les serer au lieu de son repaire Iay seulement representé quelques chiens ses contraires pour l'approprien^{en} forme de terme .



100

SPECIAL

87-B

782

THE GETTY CENTER
LIBRARY

745
3-6-7

